

Morning Dogri (NSD) National News Bulletin 22-08-2024

आकाशवाणी

1. पोलैंड दे सरकारी दौरे पर गेदे प्रधानमंत्री नरेन्द्र मोदी होर अज्ज वारसाँ च पोलैंड दे प्रधानमंत्री डोनाल्ड टस्क हुंदे'नै डेलीगेशन स्तर दी गल्लबात करगंन।
2. इलैक्ट्रानिक्स ते सूचना टैक्नालोजी मंत्रालय नै भारत च संचालित सब्बने सोशल मीडिया प्लेटफार्मे गी निर्देश दित्ता ऐ जे ओह आर.जी.कर मैडिकल कालेज मामले च मारी गेदी कुड़ी दी पंछान कन्नै सरबंघत सुप्रीम कोर्ट दे हुक्मै दी पालमा करन।
3. आंध्रप्रदेश च इक कारखाने च होए दे धमाके च 17 जनें दी मौत ते 30 शा मते लोक जख्मी होई गे न।
4. असम च राज्य मंत्रिमंडल नै असम मुस्लिम निकाह ते तलाक पंजीकरण कनून दी नियमावली गी रद्द करने सरबंधी विधेयक गी मंजूरी दित्ती ऐ। एह कनून त्री खास हालात च लौहकी उमरी च निकाह दी खुल्ल दिंदा हा।
5. मौसम विभाग नै देसै दे पूर्वी, पच्छमीर उत्तर-पच्छमी ते मध्य हिस्सें च अगले चऊं दिनें दरान मौलेधार बरखा दी संभावना जाहर कीती ऐ।

<><><><><><>

PM Visit

प्रधानमंत्री नरेन्द्र मोदी होर पोलैंड दी अधिकारिक यात्रा पर न। प्रधानमंत्री होर अज्ज वॉरसा च पोलैंड दे प्रधानमंत्री डोनाल्ड टस्क हुंदे कन्नै प्रतिनिधिमंडल सतह दी गल्लबात करगंन। दवै नेता दपक्खी सरबधे दी समीक्षा करगंन ते केई महत्वपूर्ण मुद्दे पर चर्चा बी करगंन। दौनें पक्खे बकशर बैठक च होरने विकल्पे पर गल्लबात होग। प्रधानमंत्री नरेन्द्र मोदी पोलैंड दे राष्ट्रपति आंद्रेज डूडा हुंदे नै बी मलाटी करगंन। एहूदे थमां पैहले प्रधानमंत्री हुंदा औपचारिक सुआगत बी कीता जाग। ओह अज्ञात सैनिके दे स्मारक पर पुष्पांजलि भेंट करगंन। प्रधानमंत्री बपारिक नेताएं ते पोलैंड दे मन्ने-परमन्ने दे लोके कन्नै बी गल्लबात करगंन। जंदी रातीं वारसा च भारतीय समुदाय दे लोके कन्नै गल्लबात करदे होई प्रधानमंत्री होरे आखेआ ऐ जे अज्जे दा भारत सब्बने कन्ने जुड़ियै सब्बने दा विकास ते कलयाण चाहंदा

ऐ। प्रधानमंत्री मोदी होरें आखेआ ऐ जे दहाकें थमां भारत दी नीति दूरी बनाने आली रेही ऐ पर अज्ज भारत दी नीति सब्बने देशें कन्नै गैहरे सरबंघ बनाने दी ऐ। उनें इब्बी आखेआ ऐ जे भारत दा स्पष्ट तौरा पर एह् मन्नना ऐ जे एह् दौर लड़ाई दा नेई ऐ। भारत संघर्ष गी सुलझाने आस्तै गल्लबात ते कूटनीति पर भरसा करदा ऐ। प्रधानमंत्री मोदी देशें पोलैंड ते यूक्रेन दी यात्रा दे पैहले गेड़ जंदी रातीं बॉरसा पुज्जे हे।

<><><><><><>

IT Ministry

इलैक्ट्रानिक्स ते सूचना टेक्नालोजी मंत्रालय नै भारत च संचालित सब्बने सोशल मीडिया प्लेटफार्मे गी निर्देश दित्ता ऐ जे ओह् आर.जी.कर मैडिकल कालेज घटना च मारी गेदी कुड़ी दी पंछान कन्ने सरबंघत सर्वोच्च अदालतै दे हुक्मै दी पालमा करन। सर्वोच्च अदालतै सब्बने सोशल मीडिया प्लेटफार्मे ते इलैक्ट्रानिक्स मीडिया गी निर्देश दित्ता जे ओह् मरने आली कुड़ी दे नां दे सब्बै संदर्भ ते फोटूएं दे कन्नै वीडियो क्लिप बी तुरत हटाई देन। सुप्रीम कोर्ट दे इस हुक्मै पर मंत्रालय नै सब्बने सोशल मीडिया कंपनिएं गी आखेआ गेआ ऐ जे ओह् इस गल्लै गी जकीनी बनान जे ऐसी संवेदनशील सूचना प्रसारत नेई होन। उनें आखेआ जे निर्देश नेई मनने पर कनूनी कारवाई कीती जाग। मंत्रालय नै सोशल मीडिया प्लेटफार्मे गी आखेआ ऐ जे ओह् सर्वोच्च अदालतै दे हुक्मै दी पालमा दे बारे च cyberlaw-legal@meity.gov.in पर सूचित करन।

<><><><><><>

CM-Andhra Pradesh

आंध्रप्रदेश दे अनाकापल्ली जिले दे अच्युतापुरम विशेष आर्थिक खेत्तर च स्थित फार्मा कंपनी दे कारखाने च कल होए दे धमाके च मरने आलें दी गिनतरी बधियै 17 होई गई ऐ। मुख्यमंत्री एन.चन्द्रबाबू नायडू नै इस घटना दे कारणें दा पता लाने लेई उच्चे सतह् दी जांच कराने दी घोषणा कीती ऐं उनें आखेआ ऐ जे जेकर एह् घटनाप कुसै लापरवाही दे कारण होइ होग ते फैक्ट्री प्रबंधन खलाफ सख्त कारवाई कीती जाग। चन्द्रबाबू नायडू होरें जंदी रातीं इस घटना दे मगरा जिला अधिकारिण, उद्योग मैहकमे, सेहत मैहकमे दे अधिकारिण, जिला जन प्रतिनिधिण ते होरने मंत्रिण कन्नै चर्चा कीती। मुख्यमंत्री होरें गी इस घटना च घायलें दी स्थिति दी जानकारी दित्ती गई। बैठक दरान अधिकारिण मुख्यमंत्री होरें गी घटना

दे कारणें बारे बी तफसीली जानकारी दित्ती। मुख्यमंत्री होरें इस घटना च मरने आलें प्रति दुख प्रगट कीता ते भरोसा दोआया जे सरकार पीड़ितें दी सहायता दी पूरी जिम्मेदारी लैग। चन्द्रबाबू नायडू अज्ज अच्युतापुरम दा दौरा लांगन ते घटना च मरने आलें दे परोआर कन्ने ते घायलें कन्ने मलाटी बी करगन।

<><><><><><>

Prez-AP

राष्ट्रपति द्रौपदी मुर्मू होरें आंध्रप्रदेश देअनकापल्ली जिले दी इक फैक्ट्री च होए दे धमाके च मरने आलें दे प्रति शोक संवेदना व्यक्त कीती ऐं सोशल मीडिया दी इक पोस्ट च राष्ट्रपति होरें इस घटना च मरने आलें दे प्रति दुख प्रगट कीता ऐ। राष्ट्रपति होरें जख्मिएं दे तौले नरोए होने दी कामना बी कीती ऐ।

<><><><><><>

PM-Condolence

प्रधानमंत्री नरेन्द्र मोदी होरें बी आंध्रप्रदेश दे अनकापल्ली जिले च इक कारखाने च होई दी घटना च जान मुआने आलें लोकें प्रति शोक जाहर कीता ऐ। इक सोशल मीडिया पोस्ट च प्रधानमंत्री कार्यालय नै इस घटना च मरने आले हर इक व्यक्ति दे करीबिएं परोआर आलें गी प्रधानमंत्री राष्ट्रीय सहायता निधि तैहत दो लक्ख रपे ते घायलें गी 50—50 जहार रपे देने दी घोषणा कीती ऐ। प्रधानमंत्री मोदी होरें घटना च मरने आले लोकें प्रति संवेदना प्रगट कीती ते घायलें दे तौले नरोए होने दी कामना बी कीती।

<><><><><><>

National Space Day

समूलचे मुख्य च कल पैहला राष्ट्रीय अंतरिक्ष दिवस मनाया जाग। पिछले ब'रे 23 अगस्त गी चन्द्रयान-3 मिशन दे विकास लैंडर दी चन्द्रमा दी सतह पर साफ्ट लैंडिंग होइ ही। राष्ट्रपति द्रौपदी मुर्मू नमीं दिल्ली दे भारत मंडपम च मुख समारोह दा उद्घाटन करगन। इस ब'रे दे उत्सव दा विषेयसार ऐ “चन्द्रमा गी छूहूदे होई जीवन गी छूना” भारत दी अंतरिक्ष गाथा ऐ। एह जानकारी केन्द्र अंतरिक्ष राज्य मंत्री डॉ. जितेन्द्र सिंह होरें कल नमीं दिल्ली च इक

प्रेस कांफ्रेंस च दित्ती। उनें आखेआ जे पैहली बारी मनाया जा'रदा एह ध्याड़ा छड़ा इक समारोह जा आयोजन नेई होग सगुआं अंतरिक्ष क्षेत्र च नमियां उपलब्धियां हासल करने लेई भारत दे पक्के धेइयै ते भविष्य लेई संकल्प दी इक झलक बी ऐ। राष्ट्रीय अंतरिक्ष दिवस मनाने दे सिलसिले च पिछले महीने मुख्य दे बक्ख-बक्ख हिस्से च कोई इक जहार कोला मते कार्यक्रम दा आयोजन कीता गेआ।

<><><><><><>

Muslim Nikah

असम च राज्य मंत्रिमंडल नै कल असम मुस्लिम निकाह ते तलाक पंजीकरण कनून 1935 दी नियमावली गी रद्द करने सरबन्धी विधेयक गी मंजूरी देई दित्ती ऐ। कनून च खास हालात च लौहकी उमरी च निकाह दी इजाजत दित्ती गेदी ही। राज्य मंत्रिमंडल नै इस ब'रे दे शुरू च गै इस कनून गी खत्म करने दा फैसला कीता हा। मुख्यमंत्री हिमंत बिस्वा सरमा होरें आखेआ जे मंत्रिमंडल नै असम दिएं धीएं-भैहणें गी नयांह दोआने लेई एह गैह पुट्टी ऐ। नमां विधेयक विधानसभा दे अगले सत्र च पेश कीता जाग। मुख्यमंत्री होरें दस्सेआ जे उंदे मंत्रिमंडल नै सीएनजी पर वोट 5 प्रतिशत घट्ट करने दा फैसला कीता ऐ। मंत्रिमंडल नै असम कैसर केयर फाउंडेशन गी ब'रे 2024-25 च 200 करोड़ रुपें दी माली मदद दी बी मंजूरी दित्ती ऐ।

<><><><><><>

Weather

मौसम विभाग नै देसै दे पूर्वी, पच्छमी, उत्तर-पच्छमी ते मध्य हिस्सें च अगले चऊं दिनें दरान मोलेधार बरखा दे आसार जताए न। अगले 7एं दिन च दक्खनी प्रायद्वीप दे किश हिस्सें च तेज बरखा बरी सकदी ऐ। विभाग नै 26 अगस्त तगर बिहार, उत्तर प्रदेश, राजस्थान, दत्तीसगढ़, गुजरात, कोंकण ते गोवा च तेज बरखा दी संभावना जाहर कीता ऐ। असम, मेघालय, नागालैंड, मणिपुर, मिजोरम ते त्रिपुरा च अगले 5एं दिनें दरान मौलेधार बरखा दी संभावना व्यक्त कीती गई ऐ। विभाग नै दस्सेआ जे उत्तरी बंगलादेश दे उप्पर घट्ट दबाह आला खेत्तर बनने करी किश थाहरें पर तेज थमां बड़ी तेज बरखा बरने दे आसार न। तोआई अज्ज बडलै मुंह न्हरे दिल्ली ते आले दुआले दे इलाकें च हौली बरखा बरी ऐ।

<><><><><><>

Textiles

केन्द्री कपड़ा मंत्री गिरिराज सिंह होरें भारत दी अर्थबवस्था दे विकास च दस्तकारिएं सरबंघी खेत्तर दी प्रमुख भूमका पर लाह पाई ऐ। कल नमीं दिल्ली च 24में दस्तकारी निर्यात पुरस्कार कार्यक्रमे गी संबोधत करदे होई उनें आखेआ जे मजूदा समें च दस्तकारी खेत्तर दी विकास दर 9 शा 10 प्रतिशत ऐ। इस मौके पर कपड़ा मंत्री होरें महिलाएं गी दस्तकारी खेत्तर कन्ने जुड़ने लेई प्रोत्साहित कीता। दस्तकारिएं दे निर्यात गी बढ़ावा देने सरबंघी काउंसल नै देसै दे आला दर्जे दे दस्तकारी निर्यातकें गी सम्मानत करने लेई इस कार्यक्रम दा आयोजन कीता हा।

<><><><><><>

JK-Command

जम्मू कश्मीर च गलत प्रचार रोकने लेइ ते ओंदे विधानसभा वुनां दरान चुना प्रक्रिया दी प्रभागिकता बनाई रखने लेई जम्मू ते श्रीनगर च मुख् चुनां अधिकारिएं दे दफ्तरै च कमांड ते कंट्रोल केन्द्र कायम कीते गे न। आकाशवाणी दे संवाददाता दी रिपोर्ट मूजब 20एं डी.सी दफ्तरें च हफ्ते दे 7एं ध्याड़ें 24 घेंटे कम्म करने आले कंट्राल रूम सीपत कीते गे न। भलेआ अज्जै कल्लै आली तकनीक कन्नै लैस कमांड ते कंट्रोल केन्द्र दा ढांचा बी भलेआ आधुनिक ऐ। एह 24 घेंटे कम्म करगंन ते चुनां कन्ने सरबंघी कुसै बी गतिविधि पर तक्क रखगंन। कुसै बी फर्जी खबर जां ब्यान पर तुरत कारवाई कीती जाग। एह जम्मू कश्मीर दिएं सब्बनें 90 असैंबली हल्कें दी स्थिति दा लगतार जायजा लेंदे रौंहगन।

<><><><><><>

Keral

केरल दी सरकारै पैरिस ओलंपिक्स च कैह दा तगमा जित्तने आले ते साबका हॉकी गोलकीपर पी.आर.श्रीजेश होरें गी 2 करोड़ रुपें दा नगद ईनाम देने दी घोषणा कीती ऐ। मुख्मंत्री पिनाराई विजयन हुंदी प्रधानता च कल एह फैसला लैता गेआ। सोशल मीडिया दी पोस्ट च केरल सरकार दे जन संपर्क विभाग नै आखेआ जे भारती हॉकी दे दिग्गज खडारी पी.आर.श्रीजेश होरें ओलंपिक्स खेड़डें च तगमा हासल करियै पूरे मुख् ते केरल6 दा बी मान बधाया ऐ।

<><><><><><>

Israel

इजराइल दे प्रधानमंत्री बेंजामिन नेतन्याहू हुंदे दफतरे इस गल्लै थमां नां कीती ऐ जे ओह हमास कन्नै होए दे संघर्ष विराम समझौते तैहत्त गाजा ते मिस्र दे बन्ने परा फौज वापस सददने पर सैहमत होई गे न। अमरीका दे विदेश मंत्री एंटनी ब्लिंकन होरें संगारे एह ऐलान कीता हा जे गाजा पट्टी ते मिस्र दे बशकार दी मुख्य सीमा फिलाडेल्फी कारिउोर थमां अपने सैनिकें गी पिच्छे हटाने पर इजराइल सैहमत ऐ। नेतन्याहू हुंदे दफतरै बकायदा ब्यान जारी करियै इस खबर गी गलत्त करार दितता ऐ।

<><><><><><>